



Inatsisartunut ilaasortaq
Kristian Jeremiassen, Inuit Ataqtigiit
/Maani

Eqqagassalerineq pillugu § 37 naaportorlugu apeqquteqaammut nr. 160-2022-mut akissut

Asasara Kristian Jeremiassen

Eqqagassalerineq pillugu Inatsisartut Suleriaasianni § 37, imm. 1 naaportorlugu Naalakkersuisunut apeqquteqarputit.
Apeqqutit uannut akisassanngorlugit innersuunneqarput.

1. Eqqaavissuarmik ikuallaanissaq Qasigiannuani Naalakkersuisut akuerisinnaavaat?

Akissut: Eqqakkanik ikuallanneqarsinnaasunik ikuallaaneq taamaallaat ikuallaavinni tamatumunnga akuerisaasuni akuerisaavooq. Taamaattoq Naalakkersuisut Kommunalbestyrelsimit qinnuteqaateqarneq malillugu piffissami annerpaamik qaammatinik 3-nik sivisussusilimmi eqqakkanik ikuallanneqarsinnaasunik ammasumi ikuallaasarallarnissamut imaluunniit inissiisarallarnissamut immikkut ittumik akuersissuteqarsinnaapput, takuuk eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersumi § 37, imm. 3.

2. Naalakkersuisut pilersaarpat tamakkiisumik akiliillutik ikuallaaviliussallutik diskobugt-imi?

Akissut: Qeqertarsuup Tunuani ikuallaaviliornissamut kommunip pilersaaruteqarnera Naalakkersuisut ilisimasaqarfiginngilaat. Ikuallaavimmut taamaattumut avatangiisinut akuersissuteqarnissaq taassumaluunniit aningaasalersorneqarnissaa pillugit qinnuteqaammik Naalakkersuisut tigusaqanngillat imaluunniit suliaqaratik.

Aammattaaq Eqqagassalerinermut iliuusissanut pilersaarut Naalakkersuisut 2020-2031 innersuussutigaara. Eqqagassalerinermut iliuusissanut pilersaarummi Naalakkersuisut eqqagassalerinermut suliaasaqarfimmi anguniagaqarnerat nassuiarneqarpoq aammalu kommunit najukkani eqqagassalerinermut pilersaarusionerannut eqqagassalerinerannullu killissaliussat aalajangersarneqarlutik.

Kommunit ataatsimoorlutik eqqagassalerinermut ingerlatseqatigiiffiat ESANI A/S nuna tamakkerlugu ikuallaavissanik marlunnik, Sisimiuni Nuummilu

Allakkat ulluat: 15-08-2022
Suliap nr.: 2022-16029
Akt-id: 20856996

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

inissineqartussanik, pilersitsisussaavoq ingerlatsisussaalunilu. Ikuallaaviit nunarput tamakkerlugu eqqagassanik suliarinnittartussaapput. Ikuallaaviit 2024-mi piareernissaat naatsorsuutigineqarpoq.

3. Naalackersuisut isumaqarpat attanneqarsinnaasoq eqqangassat diskobugt-imiit Sisimiunut eqqangassanik ikuallangassanik siunissami ingerlatsinissaat iluatsissasoq?

Akissut: Naalackersuisut eqqakkanik angisuunik imaluunniit allanik eqqakkanik immikkoortitaartunik assartuineramik suliaqanngillat. Kommunit ataatsimoorlutik eqqagassalerinermut ingerlatseqatigiiffiata ESANI A/S-ip, nuna tamakkerlugu ikuallaavinnik nutaaliaasunik marlunnik pilersitsisussap ingerlatsisussallu, kommunini eqqakkanik aallertarnissaq aammalu Sisimiunut Nuummullu ikuallaavinnut assartuisarnissaq pilersaarutigaa.

ESANI A/S Naalackersuisoqarfimmut paasissutissiivoq, kommunip tamanna kissaatigippagu siunissami eqqakkanik katersinerni aamma immikkoortitaartut ikuallanneqarsinnaasut annertunerusut ilanngunneqartartussaasut. ESANI paasissutissiivoq aaqqissuussinerup iluatsilluarnissaa naatsorsuutigalugu. Naalackersuisut taamatutaaq nunami namminermi eqqagassalerinermut aaqqiissutissaq neriulluarfigaa, neriutigaaralu kommunit suleqatigiinnissaq toqqassagaat, taamaalillutik nunatsinni innuttaasut nunami namminermi ikuallaaviit nutaat taakkua, 2024-mi piareertussatut naatsorsuutigineqartut, nuannaarutigilerumaaraat.

Inussiarnersumik inuulluaqqusillunga



Kalistat Lund